



Modi-i Bihar nung terenlok
project aika tenzüksü

Birendra Lajong FC
Head Coach kümogo



A.K. Mishra nüngdak makaba nung state-i ojandang arutsüla: RRP

Dimapur, Chiteni/July 18 (TYO): Government of India tenüing nung Naga yimten ken o jembir A.K. Mishra-i tang tesüsa state semdangba ajanga shinga jangrabangradaktsüba mali, anungji Mishra dang state semdangba anentsü mepishir, kechiaser pai tiazü nung teimla lidaktsüba dak alaka kecha magütsütettsü, ta Rising People's Party ajanga sangdong ka nung ashi.

Mishra ama tekum dang nisung kati mela-mela mesüzüktettsüba nisung kar peladaktsütsü atema kisüing ita shia state-i maru tajungba, kechiaser pa mesüra GoI ajanga Naga nung yimten ken o bentettsü tebilemba mali, ta ashi.

Pai India nung saru menoker sen amajok nung indokba anentsüla. Pai nüngdak makaba nung state semdangba ajanga state indang rongsen tera aliba amajok nung indoker, kechiaser state machinery ajunga pa den lir aser pa aru shia jaoker.

Mishra-i langka kar inyaker ama mesayutsüla. Pa aser pa jakdang inyaka alirtemi factions balala küm aika tejangraba nung yutsü, saka pai tang tesüsa atongba

'Common Execution Plan' ya FA aser AP ka kumdaktsütsü merangba amai lir, koba ajanga factions tem maneni peladaktsür saka nüburtem süngmanger, ta Rising People's Party ajanga ashi.

Jana indokba bongdang (dustbin) nung "Framework Agreement" indokba sülen R.N. Ravi-i 'Nagas of Nagaland' atema "Agreed Position" yanglu, anungji ashikülak yimya amshia Naga nung kibong telung nung telemsa adokdaktsü, ta ashi.

Ano maneni Ravi-i 2019 küm "Naga nung yimjung ken o jembiba tembangogo," ta sangdongba ya khenyongi balaka lir, koba ajanga Naga nung lokti khenyongi sadangdaktsü.

Iba sülen küm ti tashi Naga CSOs, factions aser tashi-temeteter temi FA aser AP ta ajaba 'cakes' asoshi raratepa arur ano Mishra-i tasa balaka amshia tangbo FA aser AP ka kumdaktsüner. Mapang kasa nung langka kar inyaka aser kecha meinyakba yimya amshiba yong ano kanga mazüing aliba nisung kati pa memelen tashi Mishra mazüing alitsü, ta Rising People's Party ajangasa ashi.

NH-29 mokdangba khen atema lapoker

Kohima, Chiteni/July 18 (TYO): Kohima-Jessami 2-lane road construction project ajanga kongshiba ali kibur temi National Highway 29 mokdanga aliba Deputy Commissioner, Phek; CPO aser CMA tetsüngtai aitba sülen nüburtem asoshi khen atema lapokba sangdongogo.

Iba lenmang nung senzüsemponger aser nüburtem mechi ali kibur temi iba highway nung gari senzütsü melar.

Ajisüaka compensation nung tang mangatettep aliba tajungleni angatettepa maru tashi National Highways and Infrastructure Development Corporation Limited (NHIDCL) dak sendakba maparen ajunga mokdanga alitsü. Iba project inyaka

maodang compensation ken o bentettsü tongtipang lir, ta ali kibur temi ashi.

Iba lenmang mokdanga aliba nüburtem mechi sayaba ajanga ali kibur temi yimjung nung longkak aittsü temulungtetba aser nübur ajungtsü asoshi bilema inyakba sayur.

National Highway 29 nung nüburtem senzütettsü, saka iba project ajanga onok indang ki o jen raksatsüba asoshi mapang shidak nung compensation agütsütsü akhangba kasa lir, ta ashi.

Ali kibur temi Deputy Commissioner, Phek dang pelar aser stakeholders ajunga dang ajak temulung süa tangatettep kati arutsü asoshi inyakteptsü ayongzüker, ta sangdong ajangasa ashi.

Moscow nung Bharat Utsav 2025 tembangba sentong CM Rio-i moatsü

Dimapur, Chiteni/July 18 (TYO): Russia yimtiba Moscow nung aliba Manezhnaya Square nung July 5-13, 2025 anogotem Bharat Utsav 2025 alidang Department of Industries & Commerce, Government of Nagaland aser Nagaland nungi entrepreneurs temi shilem agia liasü.

Iba seentong ya Moscow City Government teyari nung Indian Embassy in Moscow ajanga ayongzüker aser iba cultural diplomacy inyakyim ya India indang artistic traditions aser entrepreneurs tanüla benjongtsü asoshi sapang ka ama liasü.

Nükla tajung yur Nagaland Chief Minister, Dr. Neiphiu Rio-i yaria state-i shilem agiba ajanga national aser international nungi rangloka liasü, kong iba sentong tembangba nunga pa tongti tesemdang liasü.

Chief Minister-i Nagaland Stall semzüksüba ajanga iba sentong tali mera ketdaktsüba kisüing masü saka State sorkari alima sapang nung local

industries aser entrepreneurs renlokdaaktsütsü asoshi bendanga agütsü inyakba jangjashir.

Nagaland indang rongsenketzüng aser sobaliba nükla sayutsü asoshi iba ama sapang tajung bener arutsüba atema Chief Minister dang pelaba lemsateper, ta Department ajanga sangdong ka nung ashi.

Department nungi delegation ya MLA & Advisor, Industries & Commerce, Nagaland, Hekani Jakhalu aser Director, Department of Industries & Commerce, Nagaland, P. Tokugha Sema nati anir department nungi ketdangsürtem liasü.

Iba sentong nung Department of Industries & Commerce ajanga state nungi shimba entrepreneurs aser producers temi shilem agia liasü.

Nagaland indang stall nung nüburtemi tali temulung agütsüba ajanga entrepreneurs temi markets tasen asoshi maongka agütsü, international consumer trends angatet aser

bendang lima nung pei indang products mera agia liasü.

Bharat Utsav 2025 nung Nagaland indang ola-angla amshia yangluba aben-süoshi, süngkum agi yangluba marok, mini bamboo cups, square and rectangular trays, süngso, pen stands, bamboo earrings, wood necklace pendants, masks, echo boxes, coconut spoons, fridge magnets, extension cords, paper pencils, bamboo pens, platters, aser metsü bongdang sayua liasü.

Item den ano cushion covers, silk shawls, Nagaland coffee, honey, small purses, aser table runners amala ajanga state indang artisan tem mapa aser sempet tajung sayua liasü.

Iba benjong nung shilem agiba ya tenüing atema masü saka Department of Industries & Commerce ajanga sustainable livelihood generation, empower indigenous produces aser entrepreneurial ecosystem yangertsü asoshi inyakba nung alizüing ka alitsü.

Commissioner-i CH 126, Tsiedukhru (Pagla Pahar) inyakyim jangjatsür

Dimapur, Chiteni/July 18 (TYO): National Highway-29 nung CH 126, Tsiedukhru (Pagla Pahar) nung lenmang yanglutsü atema ali aliba dak sendakba nung osang ka July 17, 2025 nü adokba atema Office of the Commissioner, Nagaland ajanga iba project tetenzük nungi tang tashi inyakyonga aruba osang tejangja agüja liasü.

Ali alizükdang inyakyim shidak amshi aser tanü tashinung takok ngua inyaktetba tongtipang kar yamai alitsü:

Ali alizüksü atema joint survey ya 13.12.2024 nung agia liasü aser Land Acquisition (LA) atema proposal ya sorkar nem 10.02.2025 nung agütsü. Iba sülen Tourism Department ajanga LA atema 25.03.2025 nü No Objection Certificate agütsü aser state sorkari 'approved proposal' ya 11.04.2025

nü Executive Director (P), NHIDCL, RO Kohima.

Government (Tourism Department) ajanga ali aliba aser PHED estimates for utility shifting on 22.05.2025 nung NHIDCL, PMU-Dimapur ajanga tai apu, anungji Deputy Commissioner, Chümoukedima ajanga jangjashija PHED estimate yanglushir agütsü, ta sangdong ajanga ashi.

Meyi mapang arur asünung joint meeting ka 20.05.2025 nung mena lenmang yangluba maparen inyaktsü atema NHIDCL nem NOC agütsütsü telemtetba agi.

Iba sülen Deputy Commissioner, Chümoukedima ajanga 20.05.2025 nü NOC agüja CH 126 nung mapa inyak tenzüksü NHIDCL nem temelaba agütsü.

Land acquisition atema compensation ya 02.07.2025

nung nguogo aser yangji Tourism Department (Land cost and forest damages) atema compensation amount noklang shilem aser PHED atema utility shifting atema sen shilem 80 dena lir aser yamaji PHED aser Tourism Department nem sen agütsüogo, ta ashi.

Ajisür EE PHED, Urban Division Dimapur ajanga NHIDCL dang CH 126 nung hill cutting asoshi mapa tenzüksü temelaba agütsü, ajisüala CH 126, Tsiedukhru (Paglapahar) nung iba mapa ya ano metenzüki lir.

Anungji stakeholders aser nüburtemi osang tejangja meteta alitsü ayongzüker. Sorkari mapang shidak nung ochishia tongtipang infrastructure project tem inyaktsü temulungtetba nung lir, ta sangdong ajanga ashi.

Nagaland nung JE agi nisung ana süogo

Dimapur, Chiteni/July 18 (TYO): Dimapur, Chümoukedima aser Niuland district tem nung tang tashinung Japanese Encephalitis (JE) tashidak nisung tenet dak puteta aliba nungi nisung ana süogo.

District asem nung talisa tang meyi mapang Japanese Encephalitis tali akumba tebilemtsü Chief Medical Officer, Dimapur, Dr. Yartenla Jamir-i lemsatepogo, kechiaser meyi mapang iba tashidak temelaba nung menatepa aor ta

ashi.

Medical department ajanga district administration dang iba tashidak nungi kumzüka alitsü asoshi public advisory agütsütsü aser community awareness campaign agütsütsü ayongzükgogo.

DigiLocker aser e-Procurement System workshop agi



Dimapur, Chiteni/July 18 (TYO): Department of Information Technology & Communication, Government of Nagaland aser National e-Governance Division (NeGD), Ministry of Electronics & Information Technology (MeitY), Government of India na longjemer "DigiLocker (User Experience for Government Application)" aser "e-Procurement and eTendering System" dak sendakba nung July 18 nü workshop ka ayongzüka agiogo.

Iba sentong ya Directorate of Information Technology and Communication, Kohima conference hall nung agia liasü.

Workshop lapokba sentong nung alakteta jaoker ama o jembiba mapang Advisor, Information Technology & Communications (IT&C), Economics & Statistics and Evaluation, Sethrongkyu Sangtam-i ashiba agi, DigiLocker aser eProcurement system ya tashishitsü maketba aser tedangshi yimsüsüba ka atema digital governance indang tongtumbang tongshi ana lir aser Ato Kilonser Narendra Modi indang

digital India nukla ataloktsü asoshi tongtumbang jenjang ka lir.

Paisa, Ministry of Electronics and Information Technology (MeitY) dang parnoki state sorkar dang len sayuba aser longjemer inyakba atema kanga pelaba lemsatop, koba ajanga Nagaland digital India framework nung atongoksemtüsü atema teyari agütsüogo. Paisa, workshop agütsü atema MeitY densemba ajanga inclusive digital transformation atema cooperative federalism koda tongtumbang iba indang kuli agütsür, ta ashi.

Sentong nung advisor-i, birth certificates, death certificates, CMHIS cards, aser government ID cards amala DigiLocker indang e-services tem amenoktsüogo. Pai ashiba agi, DigiLocker den sendaktepa aliba service tem ajanga lisopurtem nem parnok indang official kuli kaketterem online ajanga amshitsü asoshi teyari agütsütsü, ta ashi.

Kasa mapang nung Commissioner & Secretary, IT&C, Arenla Jamir-i, tangazükba tali agütsütsü aser

e-services balala amenokba dak sendakba nung iba workshop ya state atema tongtumbang alizüing ka tongtetba lir, ta ashi.

Lai ashiba agi, DigiLocker ya terizüingdak ka dang masü saka mapa jeta inyakba, ochishia inyakba aser lisopurtem nem tashi agütsüba temaitsü ka lir. Kasaji eProcurement system ajanga public procurement dangi competitiveness aser accountability bener arutsütsü.

Item hadirtem ya Nagaland amala state ka asoshi kanga nüngdaka ta shia lai, sentong nung shilem agirtem aser ketdangsürtem dang workshop nung yakyaka shilem agütsü aser pei department nung digital platform tem amenoktsü ajungshi. Iba ajanga mapa tedangshiba kümdaktsütsü aser digital tsütsü Nagaland temelenshi nung teyari agütsütsü, koba ajanga state nung lisopurtemi e-governance tajangshiba melenshütsütsü.

Sentong nung okila jembiba mapang Director of IT&C, Er. Sabou Yashu-i, tejaokertem aser sorkar department balala nungi ketdangsürtem pelashishia agizüka liasü.

Maneni Additional Director, NeGD, MeitY, Ajay Kumar-i, department temi tetsükdaktsü balala ajangshibatam bentetsütsü asoshi teyari agütsütsü tenangzüka agütsü aser ashiba agi, iba yagi sector balala aser talisa education, MSMEs, aser electricity board ajangzüksü aser paperwork tajemba kümdaktsüba den yimsüsüba tajungba kümdaktsütsü.

Tseminyu nung BLO tem training agiogo



Dimapur, Chiteni/July 18 (TYO): 12 A/C Tseminyu kübok Block Level Officers atema national training July 17 nü DC conference hall, Tseminyu nung agiogo.

Mezüngbuba session nung ADC & ERO Tseminyu, Kikumsangla Jamir-i, constitutional legal provisions & electoral roll inyakyim, ki shiai tua survey agiba inyakyim densema BLO tem shilem, form 6, 6A, 7 aser 8 dak sendakba nung osangtem aser scripts indang metetdakja liasü. Laisa, BLO App ajanga form tem fill up asüba aser VHA App dak sendakba nung training dak rangloker jembiba liasü.

Tanabuba session nung BLO Tseminyu New Town -11 polling station -13 David Kent-i, role plays, form-filling exercises, assessments aser house-to-house electoral surveys dak sendakba nung case studies indang BLO tem nem training agütsü.

Sentong nung shilem agirtem telok pezü küma lemsa aser tensa apir akümtsüba tongteprateptsüba, maitsü shitak jangjatsüba aser electoral form tem (forms 6, 6A, 7 and 8) shitak

amshitsüba dak sendakba nung shilem agidakja liasü.

Tasembuba session ya Assistant Programmer Livika lenisüba nung agi, kong pai BLOs App dak rangloker jembiba aser form filling exercise results sangdong, aibelen keta aliba teshimtet kar sayu, aibelentem dak sendakba nung sensak asem, field nung item nungi koda jenboa alitsü, mangatetba aliba jangjashitsü aser takok mongui aliba candidates tem tanaben asadangshia liasü.

Session pezüba nung EAC & AEO Tseminyu, Molosangla Ozukum-i, sentong nung shilem agirtem online assessment, Google forms/ BLOs App ajanga multiple choice questions dak sendakba nung jembiba liasü.

Training sentong tatemi Deputy Commissioner, Tseminyu, Japheth Woch-i, Election Commission of India tetuyuba nung kong election agidak electoral rolls renemtsü atema summary revision koda tongtumbang iba indang lemsatop. Paisa, BLO ajak dang parnok nem kechi mapasa nongloksüdir ajaki süoki ia agütsü ajungshia liasü.

Peren nung training-cum-cooking tetoktepba tenzüko



Dimapur, Chiteni/July 18 (TYO): PM POSHAN Scheme kübok Training-cum-Cooking tetoktepba tasembuba shilem GMS Peren Town Auditorium nung July 18 nü tenzüko. Iba ajanga Nagaland kübok sorkar school tem nung mid-day meal (MDM) cook aser teyaritepertem nem state nung tangazükba maneni agütsüyonga aoba sayur.

Tasembuba shilem ya July 18 nungi tenzüka Peren, Kohima, Tseminyu, Wokha, aser Mokochung districts nung agütsü. Iba sentong mezüngbuba aser tanabuba shilem ya Dimapur, Dhansiriphar, Niuland, aser Medziphema nung 2024 küm December aser 2025 küm January agiogo, kong sorkar

school tem nungi sorchioker 600 dak tema nem chiyongtsü mereka amshitsü aser temang atema chiyongtsü tajungtem indang tangazükba agüja liasü.

Peren nung Training-cum-Cooking tetoktepba amenokba sentong ya AEO, Peren Hentinthang lenisüba nung agi. SDEO Tenning Watimeren-i okila jembiba mapang training nung shilem agirtem pelashishia agizük aser school nung sorchiokertem shilem koda tongtumbang iba indang lemsatop.

Kasa mapang nung Director of the Community Educational Centre Society (CECS), Subonenba Longkumer-i training indang metetdaktsü aser ashiba agi, CECS-i Dimapur nung centralized

kitchen ka achaayanga arudar, aser anogoshia tanur 7000 dak tema nem chiyongtsü sorur agütsür. "Onoki taoba training nung sorkar school cook 600 dak tema nem tangazükba agütsüogo. Mid-day meal system dak sendakba nung tetsükdaktsü aika liaka onoki pelashishia tenzüka aser kechi angur aji tajungtiba amshitsüba tangatetba dak tamang akar," ta pai ashi.

Sentong nung Nodal Officer for PM POSHAN, Directorate of School Education, Kohima Khriekethozo Lhoungu-ia o jembiba. Pai tanurtem kümzüka toktsütsü, anema toktsütsü aser school nung chiyongtsü tajung agütsütsü atema cook aser teyaritepertem nem kanga junga

training agütsütsü nüngdaker, ta ashi. Paisa, cook aser teyaritepertem tsüingda telok ka ama jangyumedema inyaktsü, purapiteta inyaktsü aser kati ka ajungshitepa inyaktsü koda tongtumbang iba indang lemsatop liasü.

Technical session ya Entrepreneur aser Queen Margret University, Edinburgh nungi certified sür alisang Chef Supong Longkumer-i anir agia liasü. Pai sorchioka sayuba den food safety, hygiene, nutrition dak sendakba nung parnok den sensak asem aser chiyongtsü wazüka ayutsü atema tasatem sayua liasü.

Sentong nung Dr. Chuba Imchen, Joint Director of the Directorate of School Education (DoSE) den SMC Chairman aser GPS Peren Head Teacher nungeria shilem agi. Sentong ya Toshi Aier, Program Officer CECS-i tepela o jembir tembanga liasü.

Training ya Kohima, Tseminyu, Wokha, aser Mokochung districts nung maneni agiyonga aotsü.

ECS Staff temi Chessore jila PHC semdang

Dimapur, Chiteni/July 18 (TYO): Eleutheros Christian Society (ECS) Tuensang nungi Program Manager Toshila-i anir staff tem team kati July 18 nü Chessore jila nung Primary Health Centre semdanga stakeholder tem den senden ka menogo.

Senden nung health program aser maternal health jenjang tajungba kümdaktsütsü atema sensaksema liasü.

Osang ajanga ashiba agi, mashisa aliba tetsütem dak tali rangloker lokti nem tangazükba agütsütsü asoshi training sentong balala ayongzüka agütsütsü ECS sentong lir.

Health program ya mezüngbo Chessore jila aser yimtsüing nung benoktsü aser iba sülen kidanger yimtsüingtem nunga tenzükyonga aotsü.

ECS-isa, PHC nung Ayushman Bharat program asüngsashiba nung teyari agütsütsü. Maneni ECS-i Chessore PHC atema ambulance ka meshizüktsütsü asoshi Department den tongteprateptsü asoshi teyari agütsütsü bangjema liasü.

लोकार्पण एवं शिलान्यास

श्री नरेन्द्र मोदी



July 18, 2025 nü West Bengal kübok Durgapur nung Ato kilonser, Narendra Modi-i sen crore 5,000 jenjang project balala tenzüksüba sentong nung pa nem sempet ka agütsüdüang tangokba noksa nung angur.

Modi-i Bihar nung terenlok project aika tenzüksü

New Delhi, Chiteni/July 18 (Agencies):

Taküm November ita nung Bihar nung assembly election agitsü lia Hokolbarnü Ato kilonser, Narendra Modi-i Bihar nung East Champaran district kübok Motihari semdang aser yangji lokti senden ka nung pai sen crore 7,000 jenjang terenlok project aika tenzüksüogo.

Paisa Amrit Bharat train pezü tenzüksüogo aser Gandhi Maidan nung lokti senden tuluka nung jembia liasü.

Amrit Bharat train pezüji ka Rajendra Nagar Terminal (Patna) nungi New Delhi tashi senzütsü, ka Bapudham Motihari nungi Delhi (Anand Vihar Terminal) tashi, ka Darbhanga nungi Lucknow (Gomti Nagar) tashi aser ka Malda Town nungi Lucknow tashi senzütsü.

Bihar semdangba mapang nung Ato kilonser Modi-i train lenmang aser gari lenmang project-a aika tenzüksüogo.

Paisa Darbhanga nung New Software Technology Parks of India (STPI) facility semzüksü aser state yimtiba, Patna nung Incubation Centre ka semzüksü.

Ato kilonseri Motihari nung roadshow ka nunga shilem agi. Iba sentong nung jembidang pai Bihar nung Congress-RJD teloktep aitsü.

Congress-RJD teloktep sorkar aliba mapang nung parnoki Bihar nung terenlok mapatem sendoka liasü aser yimtenren nung tajangzük angutsü atema sensakertem hadir ama amshi, ta pai aitsü.

Nikongdang Modi-i West Bengal kübok Durgapur semdanga sen crore 5,000 jenjang project aika tenzüksüba den terenlok project aika semzüksüogo.

West Bengal nung Trinamool Congress sorkar aija Modi-i, TMC yimsüsüba kübok state nung tiyazü jembiba, özüng raksaba aser auyaba kanga bulua ataloker, ta ashi.

Durgapur nung lokti senden ka nung jembidang Modi-i, tangbo state tesem ajaklen nüburtemi teimla nung BJP dangi meyiper, ta ashi.

"Mapa tilateri inyaksü atema-a tangbo West Bengal nungi lanurtem tanga state temi aotsüsa akümer. TMC sorkari lanurtem nem mapa maongka magütsüteter," ta pai

ashi.

Bengali oshi-a tera jembisema Modi-i, "Nüburtemi temelenshi aginer. Parnoki terenlok aginer. Bengal-i temelenshi aginer," ta ashi.

Bengal nung BJP sorkar arura terenlok alitsü, ta shia Modi-i, "Kodang BJP sorkar arudir küm ishika tsüngda Bengal ya industrial state tajungtibatem rongnung züngsemsü," ta ashi.

"Bengal terenlok atema TMC ya tetsükdaksü ka lir. TMC sorkar agienadokba sülen ang chichiba temelenshi arutsü," ta pai ashi.

Ozüng alema inyakba mapatem kanga bulua kümaka sorkari kecha meinyakteter, ta aija Modi-i, "Tilateri nung Murshidabad nung atalokba ama tatalokbatem aika lir aser police-ia tejak repranga inyaker. Ochi temeden magütsütetba tesem nung shibai invest süa inyaknüsü?," ta ashi.

Paisa, "Mamata Banerjee-i aniba sorkari bendangertem state telungi aittsü ajungshir. Parnok tajangzük angutsü atema TMC sorkari West Bengal maitsü raksatsür," ta ashi.

Bihar nung tsüngi lendong nung nisung 33 asü

New Delhi, July 18 (Agencies):

Tan hopta Bihar nung tsüngi lendong balala nung nisung 33 asü aser aika yiruogo; asürtemji teimbaka aluyimertem aser moapu nung aayangertem liasü, ta state disaster management department-i metetdaksü.

Bodhbarnü aser Brihostibarnüa Bihar nung tzünglu kanga arua liasü. Maneni taruba anogotem nunga state tesem aika nung tzünglu sashia arutsü.

Osangbenertem den jembidang Bihar state disaster management minister, Vijay Kumar Mandal-i, lendong ataloktsüsa aliba district tem nung ketdangsertem dang tsüngi

lendong nungi jenbua alitsü atema nüburtem nem awareness agüjang ta tuyuogo, ta metetdaksü.

State sorkari tan hopta tsüngi lendong nung asürtem kibong shia nem sen lakh 40 teyari agütsütsü, ta sangdongogo.

Tsüngi lendong nung asürtemji Nalanda, Vaishali,

Banka, Patna, Sheikhpura, Nawada, Jehanabad, Aurangabad, Jamui aser Samastipur district tem nungi lir.

2023 küm nunga Bihar nung tsüngi lendong nung nisung 275 asü aser 2024 küm nunga tsüngi lendong nung nisung 243 asü, ta state sorkari metetdaksü.

Ao Senden-i sangdonger

Hon'ble MP (Lok Sabha) Wb. S. Supongmeren Jamir ajanga nübor asoshi Ao Senden nem koba Community Ambulance ka agüja lir, iba ya manemshilu nüngdak nung amshitsü asoshi tenzükogo. Anungji nüngdakba mapang agüja aliba nung tongtepratepsü asoshi sangdonger.

Ao Senden Ambulance Contact No. :
8837206423 # 7085252631

Sd/-
Marsanen Imsong
President

Sd/-
Imtipokyim
Gen. Secretary

Amritsar arrtsülen BSF sepaitemi Pakistan nunger drone trok apu

Amritsar, July 18

(Agencies): July 17 ayaterm nung BSF sepaitemi Punjab kübok Amritsar arrtsülen Pakistan nunger drone aika apu, ta BSF sangdong ka ajanga metetdaksü.

Arrtsülen technology amshia Pakistan tsütsülen nungi aruba drone aika khazüka yok.

Iba sülen bushisügdangba mapang nung BSF sepaitemi DJI Mavic 3 Classic drone pezü nung temesepba mozü 'heroin' nung seret 1.744 aliba jangjaogo. Pulmoran yim anasa tsükba

drones nungji temesepba mozüji liasü. Roranwala Khurd yim anasa-a BSF sepaitemi DJI Mavic 3 Classic drone ka nung heroin gram 596 aliba angu, ta parnokisa metetdaksü.

Maneni Hokolbar anepdang Dhanoe Kalan yim anasa DJI Mavic 3 Classic drone ka khazüka yok, ta BSF-isa metetdaksü.

Tesüiba ghonda ishika tsüngda BSF sepaitemi DJI Mavic 3 Classic drone trok angu aser item drones nung heroin seret 2.340 liasü.

Jharkhand nung ita trok tsüngda Maoists telungpur 197 puogo

New Delhi, July 18

(Agencies): Hokolbarnü Jharkhand Police-i CPI (Maoist) nung tongti lenirtem densema Maoists 55 aputsü atema mita ao tenzükogo.

Osangbenertem den jembidang Inspector General of Police (Operations) aser Jharkhand Police otongdar, Michael S Raj-i, state tesem balala nung Maoist mita aoba mapang taküm January nungi June ita tashi nung Maoists 197 puogo, aser parnok rongnung regional committee züngsem ana, Zonal commander ka, sub-zonal commander ka aser area

commanders tenet densema liasü, ta metetdaksü.

Raj-isa, kasa mapang nungji Maoists 10-i 'surrender' süogo aser sepaitem den khatepdang Maoists 17 khaseta liasü, ta metetdaksü.

Police-isa June ita tashi nung Maoists ket nungi prangpong aser injang aika ngutetogo aser prangpong 37 bo parnoki security sepaitem ket nungi auyaba liasü, ta metetdaksü.

Raj-i, "Maoists 55 aputsü atema mita odar. Parnok apuba atema senpet sen crore 8.45 agütsütsü sangdonga lir," ta metetdaksü.



New Delhi, Chiteni/July 18, 2025: Hokolbarnü New Delhi nung Air Force School nung 70buba Raising Day anogomong sentong nung External Affairs Minister, S. Jaishankar adenba noksa nung angur.

Advocate for Applicant - Anant D. Patil

नि 21/3

ALIBAG MOTOR ACCIDENT TRIBUNAL, DISTRICT RAIGAD IN COURT

MACP NO. 59/2023

नि ता. 7/2/2025

Poonam Nilesh Patel & Others

..... Applicant

V/s

ICICI Lombard General Insurance Company Ltd. Other 1

..... Respondents

To,

Respondent No. 1

Gumaj Singh Bhatti, AG Road, Kohima, Nagaland - 453771

On 25/01/2023 at around 4:55 Pm at Near Village Pahi, Karjat-Murbad Road, in jurisdiction of Neran Police Station, Tal. Karjat, Dist. Raigad the accident was happened. In the said accident the husband of Applicant No. 1 and son of Applicant No.2 and father of Applicant No. 3 to 7 has died. In this accident fault was of truck No. NL 01/AB/6564.

Therefore, the Applicant has filed Motor Accident Claim against the Respondents for Compensation of amount **22,83,600** /- and for that Applicant had filed Motor Accident Claim in court of alibag motor accident tribunal.

However, you are informed by public notice that you Should appear in this court on **12/08/2025 at 11:00 am** to serve the said application and submit your written statement through Advocate and also submit your address to the court. It should be noted that if you do not appear in the court within this period the following order will be passed against you in connection with the said application.

Given under my Authority and the seal of this court dt. **06/07/2025**

Sd/-
Junior Clerk
District Court Raigad-Alibag



Sd/-
Superintendent (Judicial Department)
District Court Raigad-Alibag



TIR YIMYIM YIMOBILEM (EDITORIAL)

DIMAPUR

KÜPTOKNÜ

CHITENI 19, 2025

Merila ya tila masü !

Asenok jembishinü nung pezünü merila ama tila ta jembir saka parnok tashiji parnok temang ilaba ama masü kanga tulu asenok tashi agi metizüktettsüsa parnoki meteper. Aji oda, ramen tashidak nungi shir tanü asüng poktetba tashidak dengue aser Japanese encephalitis tashidaktem ya merila agi metepba nungi shirang tenzüker. Atangji, alima nung taküm aliba aser ayazüba shiruru ajak ya kati ka dak metaloktepa taküm alir, anungji, ashiko, merila ya kidang aliba kitsüng aser ozüsangnutem asoshi chiyongtsü tajung ka asütsüa akok saka nisung asoshiibo merila ya lendong aketba taküm sangnu ka lir, anungji akok tashi merila tepsettsü aser merila nem memetepdaksütsüsa alitsü aser ano merila mepoktetdaksütsüsa inyaksü asenok rongnung ajungshir. Aji oda, akhidangbo government-i nübortem dang alima nung merila samatsütsüsa inyaksü ayongzük aser merila anema raratsü sentongtem yanglu saka meilongi lenirtem mulungjangi tangatetba ka arubaji asenok asoshi majung süaka tangar ozüsangnu aser naro apongba süngdongtem asoshiibo merila ya chiyongtsü agütsür taküm sangnutem asünungji samatsütsüba masü saka asenok anasa merenlok daksütsü aser memetepdaksütsü asoshiang tangatetba agüja ajungshir. Aji oda, tang ama tsünluruwa mapang ya merila poktetba mapang asünungji, asenok kidang aser mapa inyadkak kümdanga liaka, memeteti merila nem metepdaksür alir aser shirang tenzüker külenang asenoki merila agi asen dak metepogo ta meteter. Atangji, tanü asüng mozü yangluteta akaba den tesem ajak nung mozü ki lapoka aliba agi merila agi metepba ajanga shirangaka, jet ta mapang shitak nung anepalurtembo jungadoker. Ajisüaka, alima nung nisung aika ramen agi shirangaka mozü jang ka malitetba sensakertema lir, anungji item purtemji nisung aika mapang shitak nung anepalu mesütetba agi melamelaa ajungtsüba tashidak agi taneptsü mengutet süadoker. Aji oda, asenoki shiranger karbo ramen tokoloki atuba otsüa aiben angashir alitsü aser merila agi metepba tashidak ajanga temang nung azü rosep daksüba timtem lendong indanga angashir alitsü. Item ajakji merila ajanga süaka asenok mekümdangba ajanga menaba tashidaktem asütsü. Asenoki inyakba mapa nung sobaliba tajung kaji, asenoki farm tulu küma meinyaktetaka, kidang chidokondok achitsü aser ajungben nüngdak nung amshitsü asoshi asen ki anasa ak ka mesüra anabo metsür, iba jagi asenok kanga ajangzüker. Ajisüaka, asenok kümdangtsüba kaji, ak ki ya merila poktetdak tesem tajung ka akümer, anungji asenok ak nem chi agütsü dang mesüra ak ki merütsü dang, memeteti aser meteta merila nem metepdaksür. Ibaji dang masü saka ak kidang nungi adokba merila jagi asenok ki telong nunga asenok bushia aruagi meteper. Ano, talisa lenden lima nungbo tang ama tzümetsüng adokba sülen tzü atsüngdena alidak ajak nung merila pokteter, anungji tesem kar nungbo ki lapoka ayu majung merila ka ana masü telok küma aiter alitsü. Item lendongtemji meteta asenok anasa kecha nunga tzü atsüngdaka mayutsüsa asenoki inyaksüla. Dimapur nungbo tang anogo ishika tsüngda merilai metepba ajanga adokba tashidak Japanese Encephalitis agi nisung ana tashi süogo. Iba tashidak agi shirang tenzükdang temang metar aser tekong teküprak akümer aser mangmanger ta ashir, anungji tanü asüngbo tera danga temang metaa shirangra mozü ki bushitsüla aser azü tendangtsü nüngdaker. Asenok aikati mozü ki mebushi ser asensasa süngolemba agi mozü yanglua aneptsü meranger aser ano karbo mozü machi ser tamang agi dang aneptsü asoshi sarasadema amonger. Ajisüaka, tanü mozü yangluteta akaba putu aser mozü ki anasa lapokja aliba tensa mapang nung yabo, tamang agi mozü ki bushitsüla aser tamang agi peisasa pei mang anepalu ashitsüla. Atangji, mozü ki mebushitsüsa aser meshirangtsüsa tamang agi mapa küma kümdanga alitsüabajisa tongtibannga asütsü.

OLEMSABANG

Sarasadem tesep koma asünung tajungba süla

Limatula Longkumer

(Yashi adok nungi...)

- o Prayer centre nung inyaktertemji külen tia ashir ama, akhi Khristan yimli marudang Arasentsür dangi tia asüngdangi aoba yimya mesükba ka Sarasadem Tesepepe nung inyadkaki. Iba inyakyim ya traditional primal religion yimsü nung aliba to revive asür asü ta talisa temesüng nisungtemi (western churches) tang sashia research agidaki. Is it a revival of primal religious traditions which was suppressed by Christianity or part of Indigenous contextual Christian practice? Mesüra iba yimya ya tribal Christian tamangba yimya ka, asen context nung adoker? Inyakyim nungji temezünger arasentsür mapa den khen ashitsü nungbo mesükteper amai. Saka Tsüngrem tanela temeshi tenüng nung inyaker ta kuli lirji iba ya Tsüngremer sayatenya mapa ta nüburtemi nanga agizüker.
- o Tsüngrem nungi sayatenya inyaksü imlaa sarasadem. (Bible in hand and the miracle on the other). Tarutsü ataloktsü alibatem shiner aser tesüiba nung kechi asü iba indangjia ashitsü akoker. Anungji sarasadem tesepepe kiburji Tsüngrem amai kümdaksür aser tushir. Arogo nung Pastor dangi mo-i Prayer Centre bushia nisung aika tia metettsü aser taneptsü bushia sendener.
- o Prayer Centre nungji lumia hopta ka mesüra ana-asepepe, ita junga kar asoshiibo lumitsü akanger. Lumiba ajanga Tanela Temeshi-i taküm nung mapa inyakba metettsü, lumia sarasademba ajanga taküm merükteta meshiteta sarasadem, mojing aser temenen tanela ajak aritokdaksür. Anungji sarasadem tesepepe ki bushia lumia sarasademtsü asoshi aor.
- o Prayer Centre nung ya sarasadem dang masü saka Bible study aser tekülem sentep-a dena agir. Anungji iba ya tenla kidang tekülem agiba yimya mesüka inyaker.
- o Prayer centre nungji theological perspective ana amshiba angutsü: (i) theology of prosperity, (ii) theology of intervention. Tanela temeshi ain dak ajemdaker iba tashi ajanga timtem ajakji nokdangtsü akoker ta sashi sashia tanela tetuyuba agütsür. Prayer centre nung inyaker kibur aser counsellor-temji interventionist, Tsüngrem ama kümdaksür, miracle performer-tem ama tushir. Anungji yamala telungjemji arogo tekülem sentep dang nungi kanga agi tesapuba akümer. Ano Tsüngrem dang meranga rongsen tenlara iba yari Tsüngrem nungi ali rongsen temoatsü tali züindaksür ta asüba tesayuba sashia sayur. Ibaji sarasadem tesepepe nung dang masü saka arogo tesayuba nunga lir. Ibayongji ochi shia bendenba, ochi meshi-i bendenba ajak nungi asen nisungi meranga tenla abener. Nüburtemi tenla magütsü nungbo koda sür sarasadem tesepepe yamai aotsü?
- o Sarasadem tesepepe kiburtemji züngdangyonga ora tetsüri lapokba teimba lir. Tanga bendanglima nunga sarasadem tesepepe kiburtemji tetsür teimba angutsü. Iba yagi arogo asoshi kechi tetuyuba agütsür? Arogo inyakyim yayim (structure) nung tetsürtem sadema meinyaktetba tuyur, arogotsür rongnung dangashi arogo yinti nung ano tetsürtem sadema meinyakteter. Anungji prayer centre nungji tetsür-tebur ajaki külemi pei akokba yari shilem agitsü leman lapoktsür. Iba yagi arogo lenisüba nung tetsürtem nem tim shilem (leadership and partnership ministry) magütsüba tebilemtsü tuyur asü?

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir



Bournemouth nung aliba tzüyimküm nung nisung 92 bapti



Taoba hopta tatembanglen England kübok Bournemouth jila nung aliba Boscombe tzüyimküm nung baptiba sentong nung tangokba noksa nung angur.

July 17, 2025: England kübok Bournemouth jila nung Arogo pongui longjemer ayongzükba sentong ka nung nisung 92-i Khrista nem taküm bendanga agüja tzu nung bapti.

Taoba hopta tatembanglen Boscombe tzüyimküm nung ayongzükba sentong nungji Arogo pongu- Lansdowne Church, Love Church, Catch the Fire Church, Coastline Vineyard Church aser Bournemouth Community Church nungi züngsemtem dang masü saka tangartema aika adenshia Tsüngrem külema liasü.

Iba sentong nung tenünsang ken aten aser tekülem agiba sülen Arogo pongui tzüyim nung mekazüka yuja aliba tesemtem nung ketdangsüa züngsem tasenpurtem baptitsü.

Lansdowne Church nung associate pastor Mark Smailes-i, "Tzüyimküm nung nisung aika adenshitsü, ta onoki meteta dang liasü. Nisung ajak tejangraba tulu nung liasü, aser karbo khenpiga atema dang iba sentong nung aden," ta metetdaksü.

Osangbener den jembidang Smailes-i, Arogotem longjemer agiba sentongtem nung

züngsemtemi tzüyimkümlen baptiba sentong ayongzüksü aiben mepishia liasü, ta ashi.

"Ibaji asangsang nung ataloktsü atema onok ajaki longjemer inyaker. Telok aikati shilem agia liasü," ta pai ashi.

Tzüyimküm nung tekülem sentong tagidak mapang nunga nisung karibo Khrista nem taküm bendanga agüja baptitsü telemtetba agi.

Smailes-i, "Nisung 67-i baptitsü sentong liasü, ajisüaka hopta tatembanglen aser iba sentong agiba anogo nunga aikati Khrista osangtajung agizüka baptitsü telemtetba agi," ta ashi.

Iba sentong nung baptirtem rongnung Tsüngrem dak mamanager arrshi küm 20 dak tema lanur ka densema liasü. Iba nisungba jagi 'The Passion of Christ' film reprangba sülen Yisu Khrista dak amang.

"Pai ozü Arogo bushia arua pai Yisu Khrista indang tali metetner ta onok dang mepishia liasü," ta pastor Smailes-isa metetdaksü.

Ano yi jemer ka aser temesepba mozü achir katia Khrista nem taküm bendanga agütsüba sülen iba sentong nungji baptiogo.

"Ni temesepba chiyungtsü

talenba nungi salaogo. Baptiba ya ni asoshi teperi. Ni Khrista dang sentsüh lir, anungji Pa tenüng nung baptir," ta pai ashi.

Smailes-i, "Tsüngremi Bournemouth jila nung mapa inyaker. Onoki nisungtem aliba tesemi oa osangtajung proker. Tsüngrem ya tang tashi tajung aser tekümtet taochi ya ajak asoshi lir. Anungji asenoki kati ka ajungshitepdi," ta ayongzük.

Lansdowne Church nung school for discipleship director, Chris Sinkinson-i, "Tenla kidangi arurtem ajema akümba ajanga ozü jila aser yimtsüngtem tajangzük mangur. Yisu Khristai chichiba tatok agütsür aser temelenshi adokdaksür.

Kanga sensakertem nungi tenzüka pei mapa nung melung masürtemi baptitsü telemtetba agiba taküm kuli lemsatep aser parnok ajak asoshi telangzübaji Yisu liasü. Atangji nisungtemi tamang jenjang dangi meyipier, kechiyong parnoki alimai magütsütetba telangzüba bushir," ta metetdaksü.

Sinkinson ya tamalen Moorlands College nung Biblical & Theological studies lecturer inyaka liasü. Pa ya 'Time Travel to the Old Testament' kaket zülusang lir.

Gaza nung aliba Tenla kidang nisung asem pokset aser putir yiru

July 17, 2025: Gaza Strip nung tang Catholic Arogo Tenla ki ka dang lia Israel sepaitemi anünglen nungi iba Tenla kiji amakdang Khristan asem asü aser putir densema aika yiruogo, ta Brihostibar Latin Patriarchate of Jerusalem-i metetdaksü.

Latin Patriarchate of Jerusalem-i sangdong ka ajanga, "Tanep Israel nunger sepaitemi anünglen nungi Holy Family Compound amakdang nisung asem asü aser aika yiruogo," ta metetdaksü.

Argentina nunger putir, Gabriel Romanelli-i, iba tatalokba nung pa tetsüng tera yiruogo, ta metetdaksü.

Gabriel-i mapang shia taoba Pope (asür) Francis nem Gaza tensa osang metetdakjasa liasü.

Tang tashi nungbo Gaza nung Tenla ki amakba dak sendakba nung Vatican-i sangdong kecha memetetdaksü.

Ano külen Israel Defense Forces (IDF)-ia, Gaza yimti nung aliba Tenla ki raksaba osangji parnokia angazükogo, aser parnoki iba tatalokba bushisüngdangdar, ta shiogo.

IDF-isa, "Civilians meyrutsütsü aser tekülem kitem densema civilian kiojen meraksatsütsüsa IDF sepaitemi inyaker, aser

teraksatsüba lira sasa bilemtsür," ta metetdaksü.

Iba tatalokba atema Israel aija Italy Ato kilonser, Giorgia Meloni-i, "Tesüiba ita aika Israel-i civilian amakba ya magizüktettsüla. Sepaitemi yamai inyakba ya kecha agia medentsütsü makok," ta metetdaksü.

Israel sepaitem aser Hamas telok na rara tenzüka mapang nungi aser Holy Family Church nung Khristantem dang masü saka tanga yimsü amangertema aika jenokdakja aruogo.

Latin Patriarchate of Jerusalem-i Gaza nung yimjung atema sarasademjang, ta ayongzük.

ANO GO ABEN TSÜNGREM DEN

Mulungsoa prokang

Tsüngremi ajaba nai koda agizüker iba yari dang Tsüngremi moatsütsü. Nai na akaba-agi mulungsoa yariteptsü temeim mulungsentsü dena lira, iba yimya nung Tsüngremi ne nema agütsütsü.

Iba ochi o agi asenok nem taküm nung temelenshi adokdaksüba tashi agütsür. Aseni asen akaba Tsüngrem tenüng nung rizüngra, Tsüngrem chirtem dang pai kechi inyaker aji aseni meteta arutsü.

Aseni Tsüngrem metettsü jangra-ra aser pa o bushiba nung mapang endokra, Tsüngremi pa den asen tesendaktep tali takar kümdakja moatsütsü, Mapang tasak temela ajak nung aseni pa dang sarasademra, pai sarasadem tashi ain asenok nem agütsütsü, Asenoki pa den asen tesendaktep jungtepshira aser pa Külemtsü asen mulungjang renemshira aser shilem agira, Tsüngremi pa den ajuruteptsü aser taküm melenshidaksütsü nangzük. Khristan kar tamang ainer, aser kar mainer. Aseni prokba jagi asen tamang nung mapa inyaker. Asenoki mapa ajak Khrista tenüng nung mulungsoa inyakdi, süra atangji nung alurubaji tajung asütsü.

Indonesia linük nung Khristan tambur ka jail nungi chiokogo



Apollinaris Darmawan

July 18, 2025: Indonesia nung kanga tambur Khristan ka tesüiba küm pezü tashi tepuokdak ayuba sülen tawa chiokogo, ta International Christian Concern (ICC)-i metetdaksü.

Apollinaris Darmawan ya Kebon Waru Jail nung puoka liasü. Pa sangküm ang chioktsü imlaa liasü saka küm ka jelia chiokogo.

Khristan tamanger asüba agi pa tang agi tanabenbuba jail nung puoka liasü.

2020 küm tatembanglen Police-i Darmawan apu. Pai social media ajanga Muslim nunger ainkar Muhammad mezüngmeshiogo, ta kari pa nem tai tongloktsüba sülen police-i pa apu aser Bandung District Court-i Tsüngrem atalaba atema pa küm pongu tepuokdak ayutsü obendang

agüja liasü. Court-isa pa dang senchi dollar sen 50,000 achi.

2017 küm nunga pai Islam yimsü mezüngmeshi, ta pa nem tai tongloktsüba sülen court-i pa aija küm pezü tepuokdak ayutsü obendang agüja liasü, ajisüaka coronavirus wara prokba nokdangtsü atema 2020 küm March ita nung chioka liasü.

Darmawan jail nung anaben tashi puokaka pai pa tamang jenjang masetshi.

ICC indang Prison Letter Writing Campaign ajanga pa pusema liasü aser ICC staff temia mapang shia pa semdanga liasü.

Darmawan ya mezüngbo Muslim nunger ka liasü, saka tesülen pai Khristan yimsü agizükba sülen pai mapang shia Islam yimsü tesayuba aija aruogo.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim


Terata

- (v) temulung melemi teli ta ashiba (don't doubt)
* Yisui Toma dang kecha terata ta ashi.

Teratatsü

- (mangatetba mapa aser mapang (doubtful time)
* Lanur ka kibong akümtsüba mapang teratatsü mapang ajurur.

OLONG PAITEP # 7213



TIPIEN

1. Ochi masü - 5
6. Temang mejungi aküm - 7
7. Rong yanglusang - 3
9. Yimer alidaka - 3
11. Tebendang - 7
12. Anogo semer ka - 3
15. Tenüing atet - 3
16. Temang nungi aluba tzü - 7
17. Teki - 5

LANGTSÜNGLEN

2. Tsüingii - 4
3. Shiruru apuba - 4
4. Sungdong tapu ka - 6
5. T _ _ _ r - 3
6. Kechaia malizüktet - 5
8. Tsük bendena ayudak - 3
10. Nüma metangtetba mapa - 5
11. Jenjang tanela - 6
13. Sentong - 4
14. Mi apudak - 4
15. Nünü-er jala - 3

OLONG PAITEP # 7212 TELANGZÜBA

TIPIEN :

1. Karanur, 5. Entsü, 6. Lah, 9. Agi,
11. Arong, 12. Ain, 13. Tasen, 14. Oru,
17. Ati, 18. Kensü, 19. Khrista.

LANGTSÜNGLEN :

2. Amang, 3. Repranger, 4. Asa,
7. Tajangzüik, 8. Soro, 10. Itsü,
15. Ratet, 16. Sen.

NAI-A YA METETTER MA

Tongtibang FIFA asayamung koker
aliba team tem



"Mamata Banerjee-i Muslim Bengali nunger dang sapur": Assam CM



Guwahati, Chiteni/July 18

(Agencies): Assam Chief Minister Himanta Biswa Sarma-i Hokolbarnü ashiba agi West Bengal Chief Minister Mamata Banerjee-i Bengali Muslim nunger tem tesaklokba aser Bengali Hindu nungertem sentoka toktsür.

Social media sabang X nung video clip ka lemsatepba nung Sarma-i, Banerjee-i Citizenship Amendment Act (CAA) anemba ashishi aser ashiba agi, "lai Bengali Hindu nungertem atema chichiba süoki ia bilemra lai kechiba CAA anemer?"

"Assam nung Bengali Hindu nungertem kümzükal lir," ta Sarma-i video nung ashi. "Ajsüiaka Trinamool Congress-i Bengali Muslim nungertem atema dang süoki ia bilemer," ta paisa shisem.

CM-i ashiba agi, Assam nung Bengali Hindu nungertem Assamese lokti den ka dang kümogo. "Parnok minister MLA tem lir aser parnoki lenmang aika nung teyari agütsür. Parnoki parnok oshi, sobaliba, tamangba yimsü wazüka ayur aser Durga Puja mungdar. Parnok ya greater Assam nung

shilem ka lir," ta pai ashi.

Maneni West Bengal Chief Minister aija Sarma-i, "Ni Mamta Banerjee dang na chichiba Bengali nunger süra nai kechiba West Bengal nung CAA mebenok ta ni asüngdangner. Tasüngdangbaji shitakba lai Bengali nunger ajak asü Muslim Bengali nunger dang pusemer," ta ashi.

Tatem nung Sarma-i, Assam nunger aser Hindu Bengali nungertemi Bengali Hindu nungertem sentoka toktsüba atema la dang kodanga tai matoktsü, ta ashi.

Manipur Police-i sen crore 6 alang heroin seret ka apu

Imphal, Chiteni/July 18

(Agencies): Manipur Police-i Brehostibarnü temesepba mozü shibelener ka apu aser pa ket nungi international narcotics market nung sen crore 6 alang heroin seret ka pua liasü, ta ketdangsürtemi Hokolbarnü metetdaksü.

Myanmar den arrtsü nung aliba Tenguoupal district nungi kidang state-i Kangpokpi aser Senapati district ajanga temesepba mozü shibelener aoba indang osang itangitertem nungi angazükba sülen police team kati meita aoba sentong ka ayongzüka liasü.

Imphal West district kübok Sekmai aser Khurkhul na yongtsü nung meita aoba sentong benoka inyakba mapang Sekmai Police Station nungi sepaitemi Thoubal district kübok Lilong Haoreibi Turel Ahanbi nung alir Md Farish Khan (22) pua liasü. Police-isa pa ket nungi heroin (brown sugar) sertet ka pua liasü.

Aija alisang ya Drugs and Psychotropic Substances (ND&PS) Act, 1985 kübok section tapet dak ajemdaker aitsüogo aser okadaki anirogo.

Tanga ken o ka nung Special Court (ND&PS),

Manipur-i, Behostibarnü Kangpokpi district nung Saikul Police Station kübok Langkhong yimtsüing nung alir B Lunkhomang Haokip (40) ND&PS Act, Section 21(c) dak ajemdaker aitsüogo.

Haokip ya 2022 küm October 15 nü Narcotics and Affairs of Border (NAB) Police Station nungi team kati brown sugar seret 2.040 bener lia Imphal East district nung Pukhao Terapur, Dolaithabi Dam anasa pua liasü.

Okadaki ken o angadangtsü atema July 13 nü atakzüksüogo.

Mizoram Congress-i ZPM sorkar aitsü

Aizawl, Chiteni/July 18

(Agencies): Mizoram nung Opposition party, Congress-i Brehostibarnü Chief Minister Lalduhoma-i aniba Zoram People's Movement (ZPM) sorkar aitsüogo. Parnoki ashiba agi sorkari par party manifesto anema teshimtet nisung/lokta kar nem sen crore 900 alang contract agüja liasü.

Congress-i ashiba agi, Mizo National Front (MNF) party-i sorkar kümteter aliba mapang restricted tenders kübok contract tem agütsüba atema ZPM-i ajang ajanga anema aruogo aser 2023 küm December ita parnoki sorkar mekümtet tashi iba anema nokdaka aruogo.

2023 assembly election magi tsüingda party-i parnok indang manifesto nung parnoki sorkar kümtetra limited tender tem ajanga contract tali agütsüba takok tashi nokdangtsü merangtsü ta shia lir, ta Congress-isa ashi.

"Manifesto nung tenangzüka agütsür liaka ZPM sorkari restricted tender system kübok ozüing alema sen crore 945.55 alang contract agütsüogo, koba taoba sorkar mapang agütsüba dang nungi kanga agi timba lir," ta Congress otongdar Lallianchhunga-i ashi.

Right to Information Act kübok osang agizükba nung ashiba agi, ZPM sorkari April

17 nü department tem nem "blanket approval" agütsü, ajita asünung dang parnoki SASCI nungi sen crore 629.17 alang contract tem restricted tenders ajanga contractor tem nem agütsütettsü, ta pai ashi.

April 29 nü tashi nung sorkrai selective tenders amshia sen crore 316.38 alang contract mapa 47 agüjatokogo.

Paisa, ZPM sorkari taoba sorkar tem dang nungi restricted tender timba agütsüogo koba parnok manifesto anema lir, ta ashi.

Party manifesto akümtsübu masüba atema ZPM aija Congress lenir yagi ashiba agi, iba ajanga parnok dak temulung alemtsü mali ta sayur.

Syria nung Bedouin aser Druze tsüngta ano rara tenzüka lir

Damascus, Chiteni/July 18 (Agencies): Syria linük south tsütsü Suwayda province nung Druze aser Bedouin kin tsüngta ano maneni rara tenzüko, kong Syrian sepaitem aliba ainshir anogo ka lir ceasefire raksa.

Druze nunger timba aliba governorate nung sorkar indang sepaitem tanaben yokshio go ta osang prokshia aliba Syrian Interior Ministry ajanga tiazü lir ta ashiba mapang Hombarnü ano asendenshir rara tenzük.

Sorkar indang sepaitem saksalema lir aser tang tashibo Suwayda-i yokba mali, ta odongtari ashi.

Bodhbarnü Suwayda aser linük yimtiba Damascus nung tayimtsü amshia kanga sashia amakba linük, Israel-i taoba mapang Syrian sorkar dang par linük south nungi sepaitem ainshitsü shia liasü. Israel-i amakba ya Syrian sovereignty nung aibelenba aser linük nung telemsa aser rongrong adokdaksütsü merangba lir ta Syrian sorkari aitsü.

Hokulbarnü UK nung aliba Syrian Observatory for Human Rights ajanga linük anüolen asendenshir raraba ya tribal fighter aser Bedouin tem

ketdangsür temi yaria külen aser külen Druze fighters tem lir ta ashi.

Hokulbarnep Suwayda tesem nung Bedouin kin aser Druze fighters tsüngta raraba ola angashiogo, ta Al Jazeera osangbeneria ashi. Video kar nung tribesmen yaritsü asoshi nisung tali arusemba sayua liasü.

Video ka nung Bedouin kin lenir Abdul Moneim al-Naseef ya nok-nü bena aliba tribesman temi lungbanger Syrian province ajunga nung aliba kin tem dang kin ajunga samatsütsü merangba nungi nüburtem kumzüktsü asoshi Suwayda bushia aotsü ayongzüka liasü.

Bodhbarnü ceasefire alitsü mulungtepa sorkar meyong sepaitem Suwayda nungi ainshiba sülen tang tesüsa azüdokshiba osang ya angashir, kong yangji aliba telungpur telok aser sorkar meyong sepaitem densema anogo ishika raraba nung nisung aika asü.

Iba mapang Israel-i Syrian sepai anema tayimtsü amshia amak aser ibai Suwayda nung Druze kin kumzüka ayutsü nükjidong nung inyaker ta ashi. Khatep ya timba Bodhbarnü truce ka sangdongba ajanga

anen. Iba tezüngzüktep kübok Druze factions aser putir temi Suwayda indang internal security ketdang asütsü, ta Syria indang interim President Ahmad al-Sharaa-i Brehostibarnü ashi.

Hokulbarnü Israel ketdangsür kati, tang south-west Syria nung mepetmesü adoka aliba mechi taruba ghonda 48 nung (Syrian) internal security forces tem Suwayda district telungi idaksütsü Israel-i melaogo, ta ashi.

Kasa mapang United Nations Human Rights Office ajanga Suwayda nung tapi agi nisung merenshiba, taochi mali tepsetba, pua bener aoba, ki raksatsüba aser auyaba densema temeden balala nung aibelena inyakba osang tejangja lir, ta Hokulbarnü ashi.

Iba ama mapa inyakertem ya security forces, sorkar den sendaktepa aliba elements aser Druze aser Bedouins nunger lir, ta ashi.

"Iba azüdokshi anentsüla aser international human rights law nung aliba ama nüburtem kumzüka ayutsü ya teinyaktsü tematiba asütsüla," ta UN rights chief Volker Turk-i ashi.

Israel-i Hokulbarnü Gaza nung nisung 30 tepset



Gaza City, Chiteni/July 18 (Agencies): Israel-i Hokulbarnep anü adoker Gaza tesem balala nung amakdang Palestine nunger 30 shi tepsetogo, kong anogoshi yirur aruba ajanga mozüki kar anünga aliba sünger doctor temi shir mezüng anepalutsü ta mangmangteper.

Tang tesüsa Hokulbarnü tepseter ya asem Gaza City anüdoklen Tuffah kiyong nung lir. Gaza north tsütsü Jabalia an-Nazal nung Israel-i anünglen nungi amakba nunga nisung pongu asü.

Gaza south tsütsü al-Mawasi nung taoba mapang "safe zone" ta nüngja agüja aliba süki nunga Hokulbarnep Israel-i amakba ajanga mi tulu adoka kinü tanur ka densema nisung pongu asü. Al-Mawasi nungya anogoshi Israel-i amaker.

Asürtem rongnung teyari bushir nisung tenet tepsetba dena lir.

Israel-i tanen makai Gaza mokdanger amakba ajanga mozüki sünga shiranger

adenshia alidak doctor temi shiba anepalutsü ta telemtetba agitsü tasak akumer.

Mapang talangka nungi shiranga alirtem tesü anepalutsüsa akumer, kechiaser Israel nungeri amakba nung yiruba nisungtem agi emergency departments sünga lir.

Shriangertem anepalutsü shimdangba dang masü, totzü maliba ajanga power mali aser healthcare workers temi operation agiba mapanga ajemtsüsa akumer.

"Department ishika dang mapa inyaktar. Tanüngba nung onoki electricity shibangtsüsa akum," ta mozüki indang engineering department nungi Ziad Abu Humaidan-i ashi.

"Mozüki kima taneptsü anguba tesem ka liasü, saka tangbo leper kimogo. Electricity mali, light mali, medical oset mapa meinyaker aser danga services atema teyari mali."

Tanur tain ajunga yaseta emergency departments bushia arur, aser nisung noklang aika

chiyongtsü peria magiba yong asütsüsa tia nung lir, ta Palestinian Ministry of Health ajanga ashi.

Kangasa yasa-tzüraba ajanga patients tem anibelemer aser amatariba lir, ta Gaza City nung aliba Al-Shifa Hospital indang director Mohammad Abu Salmiya-i ashi.

Israel news outlet Maariv ajanga survey ka agiba nung Israel nunger shilem 44 shii Gaza nung maneni raraba ajanga linük indang nükjidong takok mangutsü ta ashir.

Survey agir shilem 42-i ashiba agi, rara ajanga nükjidong tongtettsü, aser telangzür shilem 11-i telemtetba magi ta ashi.

Kasa mapang Gaza nung Catholic tenlaki ka dang aliba nung Israel-i bomb poklokja nisung asem tepseter ano nisung 10 yirutsüba asoshi Israel aitsür.

Iba tesem amakba sülen United States Tir Donald Trump-i Israel Ato Kilonser Benjamin Netanyahu den jembiogo, ta White House Press Secretary Karoline Leavitt-i ashi.

Tena jembiba sülen Netanyahu-i iba tesem amakba ya "stray ammunition" ajanga lir aser Israel-i iba tatalokba bushisüngdang sütar ta ashi.

Netanyahu-i Hokulbarnü Pope Leo den jembi ta Vatican-ia ashi. Iba mapang putir-i Gaza nung ceasefire aser rara tembangtsü maneni ayongzüka liasü, ta Vatican sangdong ka ajanga ashi.

MENUNGRA BILEMTETER

Asür Imkongsangla Jamir (Mopungchuket) 19-07-2024

Temeim Ojala, nai onok toktsür or küm ka abensa-a na onok den meliaka, nü temeim, nü tamang aser nü Sarasadem ola onok mulungjang nung teti bilemtetdaksür.

~Temeim Chirnurtem, Anükapang aser Semchirtem.



GOVERNMENT OF NAGALAND DIRECTORATE OF TECHNICAL EDUCATION NAGALAND: KOHIMA

NO. DTE/ ESTT-2/02/2025-26/ Dt. Kohima, the July 2025

NOTIFICATION

This is to inform all the **CUET-UG, 2025** appeared candidates that the **MERIT LIST** is available on the **Office Notice Board/ Department website; www.dtenagaland.org.in**. Candidates are informed to carefully verify their details and report to the office of the undersigned in case any discrepancies are found **on or before 22rd July 2025** during office working hours. After which, no correction or changes in any manner shall be entertained.

(Er. VIPULHOULHOUNGU)
Director

Ukraine den raraba mechi EU-i Russia totzü nung kongshir

Brussels, Chiteni/July 18 (Agencies): Ukraine den raraba mechi European Union-i Russia anema sanctions tasen aika agizükogo aser yangji totzü jenjang ajemtsüba, Nord Stream gas pipelines den transactions aliba nung tenokdangba agütsüba aser shadow fleet rong tali dak tenük yokba dena lir.

"Europe-i Ukraine bhukumba manentsü. Russia-i par rara metembang tashi EU-i tali ajungshitsü," ta EU foreign policy chief Kaja Kallas-i Hokulbarnü sangdong ka nung ashi.

EU-i iba mera agiba ya küm pezü buba rara mechi Russia anema sanctions packages tem rongnung tesashitiba alitsü, ta Kallas-i ashi.

EU-i Russia anema 18th sanctions packages tezüngzüktep ya Ukraine nung tang tasen shima alila Ato Kilonser Yulia Svyrydenko-ia pela agizükogo. Yimjung tali anasabai aruba nung yaritsü asoshi ano mera aika agitsü nüngdaker, ta Svyrydenko-i social media X nung ashi.

France Tir Emmanuel Macron-ia Ukraine Tir Volodymyr Zelenskyy den jembiogo aser iba temerenshi tasen ya pela agizüker ta ashi. "Russia-i amakba tangsa anentsüla. France ya Ukraine tsütsü lir aser alitsü," ta pai social media sapang X nung post asü.

Kasa mapang German Chancellor Friedrich Merz-ia Russia anema 18th sanction package mulunga agizükba ya junger, ta ashi.

"Iba sanction yagi banks, energy aser military industry nung tenük uoker. Iba yagi Ukraine anema raraba nung

Russia dak senotsü teyari agütsüba tashi ajemdaksür," ta pai ashi.

Hokulbarnü Kremlin odongtar Dmitry Peskov-i, Western sanctions ajanga timtem majurutsüsa Russia nokdaktetogo aser yimya ka ama kumogo, ta ashi. Peskov-isa item sanctions ya ozüng alema lir aser tenoksangba tasen ajanga item yariba linük asoshi koda masüba tasen adokdaksür ta ashi.

European linük temi Ukraine asoshi United States nungi nok-nü alitsü tenzükba mapang iba mera ya agir.

US Tir Donald Trump-ia Ukraine nem nok-nü tali agütsütsü sangdongogo aser anogo 50 tsüngta yimjung tezüngzüktep ka meyanglura Russia dang tariffs tesashi meshitsü ta hopta tetenzüklen amokmerena liasü.

Russia indang energy revenues jenti aliba nung tenük yoktsü mechi EU indang executive kongsang European Commission ajanga totzü jenjang ajema sen \$60 aliba nungi sen \$45 akumtsü benok, koba market price dang tajemba lir.

Iba jenjang melenshiba nungya Group of Seven linüktem nungi shilem agitsü imla liasü, saka Middle East nung raraba ajanga totzü jenjang timba akum aser US administration-i kecha mesütet.

2023 küm Ukraine indang Western allies temi Russia nunger totzü ya barrel nung sen \$60 agi ayoktsü jenjang atettsü, saka iba jenjang ya tenüng atema dang liasü, kechiaser Moscow indang crude - par asoshi sen lenmang tulutüba - jenjang iba dang nungi tajemba liasü.

Birendra Lajong FC Head Coach kümogo



Chiteni/July 18, 2025

(Agencies): Meghalaya nungi Shillong Lajong FC-i taoba mapang team nungi asayar aser club nung mapang talangka sendaktepa arusang Birendra Thapa, taruba season atema head coach asütsü shimogo, ta ketdangsürtemi Hokolbarnü metetdaksü.

Pa dang Coach Biru ta ajar aser pai iba shilem ya küm metsü dak tema agia arudar. Pa ya 2001 küm nungi club

nung shilem balala agia arudar. Pa ya asayar ka liasü aser iba den team manager, aser assistant coach liasü.

Thapa ya Shillong Lajong FC nungi 2001 nungi 2009 tashi asaya aser pa 2009-10 I-League season atema qualify asüba team nung densema liasü.

Professional football asaya nungi anenba sülen Thapa ya 2019 küm tashi team manager aser assistant

coach liasü.

2020 nungi 2024 tashi pa Mohammedan Sporting Club aser Sreenidi Deccan indang assistant coach liasü.

2024 küm pa Shillong Lajong FC-i assistant coach ama meyipa arua liasü.

Kasa mapang nung club-isa, assistant coach asütsü George Vannie Lyngdoh Nongrang shimba sangdongogo. George ya taoba mapang 2013 nungi 2017 tashi club indang youth asayar ka liasü aser 2024 küm coaching staff nunga densema liasü.

"Tejak tejentem den taruba season atema tapak tasen ka tenzükur," ta club sangdong ka ajanga metetdaksü.

Thapa aser George na coach asütsü shimba sülen Shillong Lajong FC pur taruba season tashi taitba asayatsü imlar.

Pakistan den T20I asayamung atema Bangladesh team sangdongogo

Chiteni/July 18, 2025

(Agencies): Pakistan den T20I asem asayatsü aliba atema Bangladesh Cricket Board-i team sangdongogo. Board-i Sri Lanka team 2-1 agi akokba kasa team shimogo.

Pakistan team Dhaka tongaago, kong asaya asemprongla Shere Bangla National Stadium nung July 20, 22 aser 24 nü asayatsü.

Colombo nung T20 asaya tatembangbuba nung Sri Lanka team wicket ti agi akokba sülen Bangladesh team-a Dhaka tongaago.

Taoba küm December ita West Indies team 3-0 agi akokba den tang Sri Lanka team akokba sülen Litton Das-i otsü tasen ka yanglua pa ya bendanglen oa T20 asaya ana akokba mezüngbuba Bangladesh captain kümogo.

Bangladesh team nung batter temi tawa kanga junga asaya arudar. Sri Lanka nung takok ngua asayaba mapang Tanzid Hasan, Litton Das, Towhid Hridoy, aser Shamim

Hossain nungeri tongtibang shilem agiogo.

Sri Lanka den asayamung nung bowler temia kanga junga asayaago. Mahedi Hasan-i asaya ka nung run 11 agütsür wicket 4 agi aser Rishad Hossain o Mustafizur Rahman natia run aika meyagludaksüi ball kanga junga ona liasü.

Bangladesh aser Pakistan na tatensa taküm May aser June ita Lahore nung asaya koba Bangladesh team-i 3-0 agi mekoki liasü.

Linük ana tsüngda tang tashi nung T20I asaya 22 asayar lir aser Pakistan team-i asaya 19 bo koker lir.

Pakistan den asayamung atema Bangladesh team:

Litton Das (captain), Tanzid Hasan, Parvez Hossain Emon, Mohammad Naim, Towhid Hridoy, Jaker Ali, Shamim Hossain, Mehidy Hasan Miraz, Rishad Hossain, Mahedi Hasan, Nasum Ahmed, Taskin Ahmed, Mustafizur Rahman, Shoriful Islam, Tanzim Hasan Sakib, Mohammad Saifuddin.

East Bengal-i Figueira, Rashid & Sibille alizükogo



Miguel Figueira



Mohammed Rashid



Kevin Sibille

Chiteni/July 18, 2025 (Agencies): East Bengal FC-i sangdong ka ajanga Brazil nunger midfielder Miguel Figueira, Palestine nunger international midfielder Mohammed Rashid, aser Argentina nunger defender Kevin Sibille nunger 2025-26 season atema alizükba sangdongogo. Miguel jersey number 8, Rashid number 74 aser Sibille number 6 asemtsü.

Parnok asem pelashishia agizüka East Bengal FC nung Head of Football Thangboi Singto-i, "Miguel, Rashid aser Kevin nunger ajak ya asayar tajung lir. Item asayatem anisemba ajanga asaya koktsürtem anisemtsü atema onok nükla aliba sayur, shirnoki temelenshi bener arutsütettsü. Coach Oscar-i item asayatem ya anir arunüa liasü, keciyong parnok ya pa tasa atema tapet asayatem lir. Onoki parnok sempet dak temulung alemer aser parnoki temelenshi bener arutsütettsü

ta amanger," ta ashi.

Miguel Figueira aser Coach Oscar Bruzon na tanaben longjemer. Tena taoba mapang Bangladesh nung Bashundhara Kings nung külemi inyaka liasü. Coach Oscar lenisüba nung Bashundhara Kings puri Bangladesh Premier League titles (2021-22, 2022-23, aser 2023-24) asem atonga akok aser Independence Cups (2022-23 aser 2023-24) ana atonga koka liasü. Bashundhara nung maden tsünga pa Brazilian Serie B club Goias EC nungi asaya liasü. Bashundhara nung asaya 64 nung asayaba mapang Miguel-i goal 37 idaksü aser assist 26 süja liasü.

Mohammed Rashid ya Palestine national team nungi tongtibang asayar ka lir. Taoba küm Palestine team AFC Asian Cup Round of 16 tonga asayaba mapang Rashid-i midfield nung tongtibang shilem agia team nem teyari tulu agüja liasü.

Arishi küm 30 tain asayar ya Indonesian Super League club Persebaya Surabaya nungi asaya 33 nung asayaba sülen East Bengal nung denogo. Pa taoba mapang Bali United (Indonesia), Jabal Al-Mukaber (Palestine), Smouha SC (Egypt), Persib Bandung (Indonesia), Al-Jeel (Saudi Arabia), Shabab Al-Bireh (Palestine), aser Hilal Al-Quds (Palestine) nunger nungi asayaago.

Kasa mapang nung Kevin Sibille ya River Plate Academy nungi anitetba asayar ka lir aser pa Spanish club SD Ponferradina nungi arua East Bengal nung denogo. Atletico Baleares, CD Castellon, aser Valencia B nungi asayaba mapang Sibille pa dak defence amentsü sempet tajung aliba sayuogo. 2024-25 season nung arishi küm 26 tain asayar ya Ponferradina nungi asaya 32 nung asaya liasü.

Zimbabwe nung asayamung atema Glenn Phillips züngtokogo

Chiteni/July 18, 2025

(Agencies): New Zealand Cricket (NZC)-i, July 24 nü nungi tenzükba Zimbabwe nung asayatsü aliba T20I tri-series atema all-rounder Glenn Phillips team nungi züngtokogo. Pa New Zealand-i meyipa aotsü.

Board-i Hokolbarnü sangdong ka ajanga ashiba agi, Phillips MI New York aser Washington Freedom na Major League Cricket (MLC) final asayaba mapang groin yirua liasü. Pa Zimbabwe tonga aoba sülen temang asadang aser pa hopta ishikabo anisüngzüktsüsa akümstsü ta ngutetogo.

"Glenn amala asayar ka masayatetsüsa akümba ya tezüdangtsüka lir. Pa BLACKCAPS atema asayatsü yonyaseta aliba onoki meteta lir, saka tia maka iba asayamung nungbo masayatettsü. Pa tanaben asayashitsü tenzüktsü asoshi

pai takokba tashi meranga inyaksü ta onoki meteta lir," ta head coach Rob Walter-i ashi.

Pa melena team nung Tim Robinson züngoksemogo. MLC final nung asayaba asayatem khen atema melena atatsü asoshi Robinson shim aser tang pa T20I tri-series nung tanungba asaya ajak nung asayatsü.

NZC-i ashiba agi, Test asayamung atema Phillips' melena asayar mapang tatong nung metetdaksütsü. Mitch Hay aser Jimmy Neesham nata Robinson den khen atema team nung züngoksem aser parnok Phillips den külemi kidangi meyipa aotsü.

Phillips ya chichiba all-rounder ka lir, shiba batting-a menteter, bowling-a onteter aser wicket keeper-a menteter aser pa fielder-a kanga tajung lir. Pa taoba mapanga groin yiruba ajanga masayateti liasü.

BILEMDANGANG

"Tangar den medemdangba ajanga temulung masü tenzükdaksür."